



Universitätsbibliothek Paderborn

**R. P. || Lvdovici || De Ponte Vallis-||Oletani, È Societate ||
Jesv Theologi.|| De || Christiani hominis || Perfectione In
Qvo-||libet eius Vitæ genere.|| Tomi Qvatvor.||**

Quorum argumenta ex S. Rvth Historia præcipue desumpta

Puente, Luis de la

Coloniæ Agrippinæ, 1625

§. 3. In quibus rebus, & qua ratione Patribus spiritualibus sit parendum.

urn:nbn:de:hbz:466:1-39652

§. 3 In quibus rebus, & qua ratione Patribus spiritualibus
sit parendum.

QUONIAM in subiectione & obedientia spiritualibus Patribus præstanda alia quoque vitiosa extrema inneniri possunt: ne in illa incidas, obseruandum est tibi: in actionibus præceptis non esse opus, superiorem aut spiritualē Patrem contulere: cūm cōstet teneri te ad eas, etiamsi is tibi eas non imponat, nec debere eas omittere etiā si prohibeat, iuxta illud S. Petri: a obedire oportet Deo magis quam hominibus: sed eas quæ sunt Consilij, & supererogationis; in quibus plus minusve præstari potest, propriaq; voluntas facile alitur & fouetur, expedit omnino cum Patre spirituali cōmunicare, eiusque directionem sequi: licet, quod in te est, meritò debeas vehementer propendere ad ita laborandum in omnibus quæ sunt diuini obsequij, vt nunquam sis otiosus. quod mirificè declarauit Spiritus Sanctus iubens, pigrum discere à duobus animalculis: altero per terram repente, altero volante per aëra: quæ duas constituunt respub. quarum altera nullum habet caput; à quo gubernetur, altera vero caput vnum habet: & vtraque in labore maximè incumbit. Prima res publica est formicarum, de quibus ait: b *Vade ad formicam & piger*, & considera vias eius, & disce sapientiam: quæ cum non habeat Ducem, nec Praeceptorem, nec Principem: parat in æstacie cubum sibi; & congregat in messe, quod comedat. quasi dicert, considera, ô piger, vehementem formicarum ad colligendum in æstate semina, quæ in hyeme comedant, propensionem: & deprehendes, quod quamuis nec Duceant, nec Magistrum, qui doceat illas viam; nec Principem aut Regem, qui ad laborandum impellat: ipsæmet ex propria inclinatione laborem amplectantur: imò, vt Plinius ait, onus interdum suscipiunt corpore proprio maius; & omnes magno ordine & conformitate, ita vt aliæ alias non impediunt, continuè laborant. Hunc itaque in modum toto huius vitæ tempore tantam debes propensionem habere ad præcepta diuina explenda, & c quodcunq; facere possis, in instant operandum: vt, etiamsi Magister nullus, qui te dirigeret; nec superior, qui te vrgeret; nec vllæ pœnarum minæ, aut præmiorum temporalium spes adesset, non velles huic sancto exercitio manum subtrahere: ed quod ad tuam salutem ita expediat, ipsique Deo ita placeat. Id quod consentaneum omnino est non solùm ed quod Christianus sis, sed etiam (vt ait S. Basilius) quod homo d natus sis ab labore, quemadmodum avis ad volatum.

Netamen ex hac formicarum repub. occasionem accipias existimandi, non esse tibi necessarium Duceant Magistrum: audi secundam similitudinem ex apum repub. desumptam, quam idem Salomon addit iuxta

a Act. 5. 29.

b Proph. 6. 6.

c Lib. 1. c. 30.

d Exemplo
formicarum
seipsum ut-
geas.

e Eccles. 9.

10.

f In illud Isa.

g 1. solennita-

tes vestras

h d Iob. 5. 7.

i S. Hieron. in
Ezech. 3, &
epist. ad Ru-
sticum.

Orig. homil.

2. in Ibai.

3. Damas.

lib. 2. Paral.

c. 89.

Iansen. Pro-

uerb. 6. 6.

Formicas

affectu, apes

imitare ef-

fecit.

e 2. Cor. 5.

14.

Cap. 2. Ruth

translationem Græcam, quam inulti S. Patres sequuntur: *vade* (inquit) *ad apem & disce, quām sit operosa, quamq; seriam operationem exerceat: cuius labores & Reges & idiotæ ad sanitatem assumunt, desiderabilisq; est omnibus, & illa fru & quidem cum sit viribus infirma, tamen qua sapientiam honorat enecta est. quia si dixerit: si à formicis didicisti laborare in operibus corporalibus, disce etiam idem magis in spiritualibus & excelsioribus, imitando apes, solicite per flores volitantes; mel, ceramque colligentes: ex quibus fauōs suos in tanta copia conficiunt, vt habeant non solum vnde ipſae alantur, sed etiam alios alant. quo labore sapientiam honorare dicuntur, ob illustre exemplum quod sua diligentia pr̄ebent ad eam comparandam. Hunc ergo in modum laborandū tibi, sanctaq; meditatione volandum per varios diuinorum mysteriorum flores, & colligenda veritatum cera, rosque virtutum in tanta abundantia, vt non tibi solum sed alijs quoque prodeſſe possis. Sed adverte, quod apes suum habeant Duce, Magistrum, ac Regem, quem, sequuntur, cui parent, qui desides punit, & exalueris suo otiosas planè repellit, vt ex hoc discas exēplo, opus te habere Duce, Magistro, ac superiore, q te doceat, ac gubernet: & si incurius sis in iis, quæ tibi incumbunt, etiam stimulet, si itaq; in operibus ac laboribus tuis perfectus esse desideras, quo ad affectum quidem imitandæ fint tibi formica, quoad effectum verò & executionem apes debes æmulari. adeò enim feruentia laborandi pro Dei amore desideria habenda sunt, vt ipsamet inclinatio tua ad id te compellat, & e Charitas Christi, vt Apostolus ait, te urgeat, calcarque addat, vt nō opus habeas alio, qui te stimulet, aut timorem incutiat. In executione autem horum desideriorum recurrentum tibi est ad spiritualem Patrem, qui spiritualia exercitia, in quibus occupari debeas, tibi designet: vt recte & utiliter progrediaris. Quod formicam quandam apemque valde sollicita videre cupis, a qua & obediendi & laborandi modum hunc addiscas, vt perfectus euadas: audi quæ sacra historia R VTH de ea refert, secundo eius capite.*

ERAT autem viro Elimelech consanguineus, homopotens, & magnarum opum, nomine Booz. Dixitq; RVTH Moabitis ad socrū suam: si tubes, vadam in agrum, & colligam spicas, quæ sigerint manus metentium, vbcung, clementis in me patris-familias reperero gratiā. Cuiilla respōdit: *Vade filiae mea, Abiut itaque & colligebat spicas post terga metentium.* Accidit autem, vt ager ille haberet Dominum nomine Booz, qui erat de cognatione E L I M E L E C H. Et ecce ipse veniebat de Bethlehem, dixitq; messoribus: *Dominus vobiscum.* Qui responderūt ei: benedicat tibi Dom: inu. Dixitque Booz inneni, qui messoribus praerat: *Cuius est hac puella?* Cui respondit: *Hac est Moabitis, quæ uenit cum N O E M I, de regione Moabitide:* & rogauit, vt spicas colligeret remanentes, sequens messorum vestigia: & de mane usque nunc stat in agro, & ne ad momentum quidem dominum renuersa est. Et ait Booz ad R VTH:

audi

audi filia, ne uadas in alterum agrum ad collendum, nec recedas ab hoc loco; sed iungere puellis meis, & ubi messuerint sequere. Mandauit enim pueris meis, ut nemo molestus sit tibi: sed etiam si fueris, vade ad sarcinulas, & bibe aquas, de quibus & pueri bibunt. Quae cadens in faciem suam & adorans super terram, dixit ad eum: Vnde mihi hoc, ut inuenirem gratiam ante oculos tuos, & nosse me dignareris peregrinam malierem? Cui ille respondit: Nunc iata sunt mihi omnia que feceris socrui tua post mortem viri tui: & quod reliqueris parentes tuos, & terram in quanata es, & veneris ad populum, quem antea nescibas. Reddat tibi Dominus pro opere tuo, & plenam mercedem recipias à Domino Deo Israel, ad quem venisti, & sub ciuis confugis alias. Qua ait: Inueni gratiam apud oculos tuos Domine mi, qui consolatus es me, & locutus es ad cor ancille tua, qua non sum similis unius puellarum tuarum. Dixitque ad eam Booz: Quando hora vescondi fuerit, veni huc & comedere panem & intinge buccellam tuam in aceto. Sedit itaque ad messorum latus, & congesit polentam sibi; comeditque & saturata est, & tulit reliquias. Atque inde surrexit, ut spicas ex more colligeret. Precepit autem Booz pueris suis dicens: Etiam si vobiscum metere voluerit, ne prohibeatis eam: & de vestris quoque manipulis preiicie de industria, & remanere permittite, ut absque rubore colligat, & colligentem nemo corripiat. Collegit ergo in agro usque ad vesperam: & que collegerat virga cadens, & excutiens, inuenit hordei quasi Ephi mensuram, id est, tres modios. Quos portans, reuersa est in cimitatem, & ostendit socrui sue: insuper protulit, & dedit ei de reliquo cibi sui, quo saturata fuerat. Dixitque ei socrus sua: Vbi hodie collegisti, & ubi fecisti opus: si benedictus, qui misertus es tui. Indicauitque ei apud quem fuisset operata: & nomen dixit viri quod Booz vocaretur. Cui respondit Noemi: Benedictus sit à Domino: quoniam eandem gratiam, quam præbuerat viuis, seruauit & mortuis. Rursumque ait: Propinquus noster est homo. Et Ruth: Hoc quoque inquit, precepit mihi, ut tam diu messoribus eius iungerer, donec omnes segetes meterentur. Cui dixit Socrus: Melius est filia mea, ut cum puellis eius ex ea ad metendum, ne in alieno agro quispiam resistat tibi. Inculca est itaque puellis Booz: & tam diu cum eis messuit donec hordeas & triticum in horre conderentur.

In iucunda hac Historia delineata, ac picta sunt admiranda exercitia iustorum, qui valde perfecti esse contendunt: quorum fundatum est exacta erga Deum, & erga eos, qui eius nomine gubernant, obedientia. In qua adeò eluxit feruens Ruth, ut de ea dixerit Christus D. S. Brigitte in quadam reuelatione. Ruth fuit in populo Dei clarior, quia voluntatis proprie non obediuit; sed Dei ipsius eam vocatis, & Noemi, quā in Magistrā acceperat: cui adeò se subiecit, ut dixerit: *Quicquid præcepisti faciam*. sed ostendit ipso facto, se formicas apesq; laboriosas imitari. nam cū Bethlehē peruenisset, & messis hordeacea inciperet, magistrā suā

*Christus
Ruth com-
mendat.
Lib. 6. Re-
uelat. c. 10.
f Ruth. 3. 5.*

*p. 150.
l. 1.*
præue-

g. Ruth. 2. 7.

præuenit dicens: *g si ubes, vad am in agrum & collig am spicas, que fügerint manus metentium*. ostendit inquam hic instar formicæ desiderium laborandi in occupatione adeo vili ac laboriosa: ad quam sponte sua se obtulit, priusquam facere iuberetur. Nam fortè N o e M i ipsa non fuisset ausa id iubere. Sed & *apis* obedientiam ostendit, quæ noluit prius facere quod optabat, quæm eius Magistra id approbaret, & faciendi potestatem ficeret. In quo præclaram quandam obedientiæ regulam expressit, quain tradit Sanctus Gregorius dicens: in prosperis & honorificis carnique iucundis rebus nihil de suo habere debet perfecta obedientia, non enim debet ad eas propendere, aut desiderare, & multò minus à superiori petere: sed expressum potius expectare mandatum. imò & quando illud adest, expedit, si fortè potest, demissè recusari. Quemadmodum Moyses & Ieremias, cùm D e v s illis gubernationis & prædicationis munus committeret, demissè deprecabantur. Quando autem peragenda sunt amara aut vilia pœnalia, & laboriosa: perfectus obediens aliquid de suo habere debet; vt scilicet in ea propendeat, mortificanda propriæ voluntatis, Christumque Dominum nostrum serio imitandi cœla. Quam propensionem ac desiderium cùm habet, non est expectandum Magistri mandatum, sed sponte sua cum debita resignatione sele ad ea obeunda offerre, dicens Prælato aut Confessario, quod R v th dixit Noëmi, breuibus ac synceris verbis & cum resignatione: *si vi, vad am in agrum*, ad laborandum scilicet; & si permittis, incumbam in hac & illa opera pœnitentiæ, humiliationis, vt sunt ieiunia, flagella, & ministrare pauperibus in Xenodochijs, &c. Et hoc non est contra perfectiōnem obedientiæ: talis enim non tendit ad suam voluntatem exequendam, nec ad trahendam superioris: sed aperire tantum vult viam, vt libere ille iubeat, quod subditio magis expediet. Huius rei praxis proponeatur fusius in proximo Tractatu, vbi ratio tradetur, qua se pœnitentes erga suos Confessarios gerere debeant. nunc pergamus ad reliqua diuinæ vocationis media, per quæ Perfecti redamur.

•(0)•

CAPVT